

四庫全書

子部

欽定四庫全書

子部

五海卷

四十九
五十九

詳校官給事中臣查善長

主事臣祁韻士覆勘

總校官進士臣朱 鈴

校對官編修臣章宗瀛

謄錄監生臣王 淹

欽定四庫全書

玉海卷四十九

宋 王應麟 撰

藝文

政要寶訓

聖政

皇祖之訓著于夏書文王之謨述于周命商書立言
陳烈祖之成德漢弼論道守高皇之定規魏相稱國
家舊事可以奉行文宗讀貞觀要錄有意求治

夏政典

書虞征政典曰云云注夏后為政之典籍若周官六卿之治典

夏訓 周訓 訓語 訓典

書五子之歌其一曰皇祖有訓民可近不可下注禹有訓戒

其二曰訓有之其四曰有典有則注典謂經籍虞征聖有

謨訓 伊訓聖謨洋洋 說命學于古訓 多士殷先

人有冊有典 顧命赤刀大訓弘璧琬琰在西序注大訓虞

謨
書典

畢命弗率訓典殊厥井疆

君牙由先正舊典

時式

注先正之臣所行
故事舊典文籍

丕顯哉文王謨

詩蒸民古訓

是式

左傳襄四年魏絳曰夏訓有之注夏書

周語

祭公謀父曰我先世后稷事虞夏夏之衰也不窪失其

官不敢怠業修其訓典朝夕恪勤奕世載德太子晉曰

若啓先王之遺訓省其典圖刑法而觀其廢興

晉語

陽人有夏商之嗣典有周室之師旅

楚語申叔時曰

教之訓典使知旅類行比義焉

注訓典五
帝之書

左史倚相能

道訓典 鄭語史伯曰訓語有之

注周書

漢志道家周

訓十四篇注師古曰劉向別錄云人間小書其言俗薄

淮南子孔子修成康之道述周公之訓 說文典五

帝之書从冊在刀上尊閭之也 唐歷志仲康肇位四

海復修大禹之典

唐太宗政典

李延壽傳撰太宗政典調露中高宗觀之咨美直筆賜
其家帛五十段藏副祕閣別錄以賜皇太子 會要舊史

同調露二年二月一日丙午詔故符璽郎李延壽撰政
典一部辭殫雅正寫兩本一付祕書一本賜皇太子

志雜史李延壽太宗政典三十卷一本云又政典三篇
太宗撰開元中臣僚獻儒家楊浚聖典三卷校書郎開元中上類書劉秩政

典三十五卷

唐貞觀政要 太宗勲史

志雜史吳兢貞觀政要十卷太宗勲史一卷 書目兢
於太宗實錄外采太宗與羣臣問對之語以備勸戒為

政要凡四十篇十卷始君道政體任賢求諫終於謹終
表云比見朝野士庶論及國家政教者咸云若陛下之
聖明克邁太宗之故事則不暇遠求上古之術必致太
平之業序云有唐良相曰侍中安陽公源乾曜中書令
河東公張嘉貞爰命下才備加甄錄君道政體一任賢
求諫納諫二君臣鑒戒論擇官上下論封建三太子諸
王定分尊師傳教戒太子規諫太子四仁義論忠義孝
友公平誠信五儉約謙遜仁惻謹所好謹言語杜讒邪

論悔過論奢縱論貪鄙六崇儒學文史禮樂七務農刑
法赦令辨興亡貢賦八謹征伐議安邊九行幸田獵災
祥謹終十凡十卷四十篇既以魏徵論為君之道為首
又以徵論克終之道為末蓋太宗時惟徵為善諫上有
所問必指近事以為據而不為泛濫迂闊激許之言太
宗樂聞而喜從之治幾成康徵功為多按競表上是書
史缺歲月競序有曰有唐良相曰侍中安陽公中書令
河東公命加甄錄以表攷之乾曜嘉貞開元八年五月

始拜是官按本紀開元八年乾曜為侍中張嘉貞為中書令十一年而嘉貞貶十五年乾曜罷至

九年九月張說亦相若二公並相之時蓋可知矣其上

於開元八年九年歟會要元和二年十二月謂宰臣

曰近讀貞觀政要粗見當時之事以太宗神武一事少

差諫者往復數四况朕寡昧事不得中者卿須十論不

得一二而已六年三月帝曰嘗讀貞觀政要見太宗立

言行事動本至仁文宗贊文宗恭儉儒雅出於天性

嘗讀太宗政要慨然慕之及即位銳意於治故大和之

初政事修飭號為清明 魏謩傳文宗讀貞觀政要思

魏徵賢詔訪其後同州刺史楊汝士薦徵孫謩拜右拾

遺大和九年十月 通鑑宣宗書貞觀政要於屏風每正色拱

手而讀之 宋朝仁宗慶歷七年四月辛未嘗讀太宗

政要亦云太宗言任人必以德行學業為本王珪曰人

無學業豈堪大任帝復曰人臣不可不知書宰相尤須

有學

唐開元政要

楊嗣復傳開成四年

會要作三年

文宗閣內謂宰臣曰

會要云延

英新修開元政要敘置如何嗣復曰臣等未見陛下欲以此書傳示子孫則宣付臣等參詳可否緣開元政事與貞觀不同或好畋遊或好聲色選賢任能未得盡美撰述示後所貴作程豈容易哉志雜史李康明皇政

錄十卷

崇文
目同

唐錄政要

志雜史類凌璫十二卷

崇文
目同

昭宗時江都尉

書目十

三卷起獻祖宣帝至唐末以事繫年冠之甲子

咸平聖政錄

見錄類

六年八月戊寅直祕閣錢惟演上二卷詔付史館

天禧聖政記

見御集類

五年三月百五十卷

乾興真宗政要

乾興元年九月戊子召輔臣至延慶殿東廡觀金書真宗謝天書表及出政要十卷示之政要蓋上於先帝聖

紀中掇其事之要者纂為此書

天聖三朝寶訓

詳見
帝學

天聖五年十月乙酉監修史王曾言唐史官吳兢於正史實錄外錄太宗與羣臣問對之語為貞觀政要今欲采太祖太宗真宗實錄日歷時政記起居注其間事迹不入正史者別為一書與正史並行從之六年五月曾奏委李淑修纂宋綬馮元看詳九年二月淑又奏直集賢院王舉正同修十年正月即明道元年勅以三朝寶訓為

名明道元年二月癸卯書成凡三十卷監修國史呂夷
簡詣承明殿上進賜編修官王舉正李淑章服參詳馮
元夏竦監修呂夷簡第賜器幣寶元二年十二月二十
日詔侍讀學士李淑就資善堂刪整三朝寶訓以備來
春進讀閏十二月淑乞令丁度同修詔可康定元年四
月十八日淑又言寶訓欲先讀第一卷政體聽斷事外
却取第十三卷以後將帥邊防夷狄事進讀庶幾戎備
邊政益得敷啓寶元二年十一月六日以皇子生宴輔臣宗室于太清樓觀三朝寶訓賜御詩

又出天人慶歷初命侍臣即邇英延義二閣與前史更
祥異書

讀

康定永熙政範

見御集

二卷

一云三卷

慶歷三朝太平寶訓

亦曰祖宗故事
亦曰太平故事

中興書目三朝太平寶訓二十卷

三朝政要
釋明策備

門類始於

賞罰終於延諫臣

一云納直諫

其間典法深大今世不能遵

守者於逐事之後各釋其意意相類者止釋一事明白

者不復釋紹興八年七月呂源為增釋上之慶歷三年九月樞密副

使富弼請考祖宗故事可行者為書

言欲選官置局將三朝典故及久來

諸司所行可用文字分門類聚編成一書置在二府俾為模範得以遵守上

嘉其奏丙戌命史館檢討王洙集賢校理余靖歐陽修

祕閣校理孫甫等同編命弼領之名曰太平故事四年

九月上之凡九十六門二十卷弼為序凡三朝賞罰之

權威德之本責任將帥之術升黜官吏之法息費強兵

之制禦戎平寇之畧寬民恤災之惠睦親立教之本御

臣防患之機察納諫諍之道率編錄焉 紹聖三年九月四日太僕寺簿龔夬請詔儒臣自仁宗至元豐之末續加編類

慶歷三聖政範

慶歷中詔三館臣僚言事祕閣校理孫甫撰三聖政範

以進凡十三事一本作三朝政事十三篇以進皆治體之要

大畧以祖宗故

事校當世治有所不逮者論述為諷諫

仁宗嘉納之改右正言知諫院

三朝聖政錄

嘉州判官石介撮取太祖太宗真宗三聖之政為書凡十九條始君道英斷謹惜名器終戒貪吏每篇末自為贊以申諷諭序曰唐吳兢為貞觀政要臣竊効之作三朝聖政錄韓琦為序謂上以述列聖之美次以達一人之聽建炎四年五月饒州進士程康國上三朝聖政錄贊十一日賜銀三十兩

書目皇朝政錄十二卷紀太祖太宗真宗三朝聖政以三朝相臣姓氏各附卷末不知作者永熙寶訓二卷李

昉相太宗修時政記其子宗諤錄遺藁纂出五十六事
進于仁宗朝國朝寶訓二十卷不知作者別為二十門
撫開寶訖治平中政事謨訓之大者神宗寶訓五十卷
不知集者載聖政凡七十三門德音寶訓三卷中書舍
人曾肇采神宗謨訓事迹分四十六門編輯上之

慶歷讀祖宗聖政錄

慶歷四年二月二十三日丙辰帝御崇政殿西閣一作迎陽

閣中四壁各張畫圖載前代帝王美惡之跡可為規

戒者命兩府臣僚入閣觀之既而宣天章閣侍講曾公
亮講毛詩王洙讀祖宗聖政錄侍讀丁度讀前漢書數
刻而退自西邊用師罷進講說書趙師民上疏因獻勸
講歲至是復命講讀 景祐讀正說於邇英 寶元觀
三朝寶訓於太清樓 慶歷三年置三朝太平故事於
兩府五年讀三朝經武聖略於邇英 皇祐元年觀三
朝訓鑒圖於迎陽門

仁宗君臣政要

張唐英編進自天聖初至嘉祐八年三月凡二百八十
有五條分四十卷隨事立題

元豐兩朝寶訓 元豐聖訓

元豐五年六月八日戊午宰臣王珪言天聖中修真宗
正史別錄三朝寶訓以備省覽今當修仁英兩朝寶訓
詔吏部郎曾肇著作佐郎林希編修至六年四月十九
日書成凡二十卷希上之賜銀絹二百紹興六年五月
希子虞以副本來上始於孝德終於治夷分七十六門 起居舍人林

虛編集神宗大猷丕訓為一百門二十卷上之

孝起

德迄
遠夷名元豐聖訓 或取三朝兩朝粹為五朝寶

訓

元祐仁皇訓典

書目六卷凡三百一十七事 國史修撰范祖禹採仁宗聖政數百事編錄成書名仁宗訓典元祐七年進凡六卷范祖禹作序云祖宗以聖繼聖其治尚仁而仁宗得其粹焉古者為書以勸戒人君唐吳兢作貞觀政要

仁宗命史臣編三朝寶訓神宗亦論次兩朝事陛下又命臣以神宗之訓上繼五朝以備邇英進講臣竊惟仁宗言為謨訓動為典則實守成之規矩致治之準繩謹錄天禧以來迄于嘉祐五十年之事凡三百十有七篇為六卷名曰仁宗訓典首上性至孝次却纖扇下廟門次錄囚徒終於仁民愛物此書惟紀述仁政大畧學問之事為別錄具于帝學篇元祐七年十一月癸巳上本一云元祐七年十二月辛亥乞撰錄成書八年正月十九日進長編同序亦云八年正月上建炎四年七月

己巳詔范冲
上之并帝學

元祐修神宗寶訓

紹興

政典

六年八月二十三日呂大防言乞令史院修進先朝寶訓以備邇英進讀從之 紹興二十八年三月七日丁卯監修沈該祕書少監曾幾著作佐郎陳俊卿正字林之奇上神宗寶訓一百卷先是十三年詔張闡專修至二十六年二月癸巳著作佐郎周麟之復請修纂神哲兩朝至是成書 大觀四年張商英撰神宗政典六卷

三十篇宣和七年六月十四日七朝寶訓書成 宣和
中修哲宗寶訓不知年

紹興國朝訓典

元年六月戊辰迪功郎諸葛行言獻國朝訓典乞為其
兄行仁推恩詔補行仁將仕郎

紹興祖宗英睿龜鑑

十卷紹興中歐陽安永撰太祖迄神宗六朝雄圖遠略
可行於今者編集著論上之十年正月二十九日詔賜

東帛令祕省錄進

紹興太祖政要

書目一卷紹興中祕書郎張戒采摭太祖聖政之大者立題著論為十四篇上之

紹興中興聖語

紹興二十六年五月丙辰左僕射沈該監修國史自秦檜專政所書聖語多以己意有非玉音者該奏刪之而取國史所書自上即位至今通三十年纂為中興聖語

六十卷

隆興祖宗事要

二年七月三日詔劉大辯進祖宗事要詳備令盡錄來上

乾道哲宗寶訓

三年三月二十二日同修史洪邁言修纂哲宗寶訓已成五月戊戌上之一云五月進呈凡一百門六十

卷并目錄二卷 紹興二十八年八月辛亥中

書舍人王剛中兼史館修撰修哲宗徽宗寶訓

乾道光堯聖政

紹興三十二年六月丁亥詔曰朕惟太上皇帝臨御三紀法令典章粲然備具嗣位之初深懼墜失其議設官裒集炎紹興以來詔旨條例以聞朕當與卿等恪意奉行以對揚慈訓既而命吏部侍郎徐度刑部侍郎路彬裒集 隆興元年三月十六日令編類聖政所修纂

光堯壽聖太上聖政凡大號令大政事合遵行者並編
類每月投進以凌景夏有請也 乾道二年閏九月二
十九日己巳日厯所上聖政六十卷十月癸酉恭進前
期設次于德壽宮其日皇帝詣德壽宮以聖政冊北鄉
躬進凡九百五條又御製序序曰夙寤晨興兢兢業業
惟大猷是經舊章是循

淳熙光堯慈訓

五年十一月一日右丞相臣浩言陛下登位十有七年

親聞太上聖訓與夫陛下問對玉音外庭不得而知史
官不得而書請令輔臣隨時奏請俾之登載日曆或宣
付史館別為一書使天下後世知聖朝慈孝之德從之
二十七日詔日曆所書太上聖訓皇帝問對玉音以光
堯慈訓為名

紹熙孝宗聖政

淳熙十六年二月二十九日有旨令編類壽皇聖政紹
熙三年十二月四日上五十卷御製序十二月壬寅進

呈癸卯詣宮恭進凡六百四十條五十冊序曰寶章
玉冊希闇之典備於三宮廟謨宸斷溫厚之辭被於百
辟而詠歌休威摹寫功德之人又徧天下豈惟史臣將
夫人能記之豈惟今日將後世亦能記之亦越成書是
訓是式率舊因餘庶幾底义文王演易周公系辭父作
子述切所慕焉

紹熙壽皇聖範

三年十二月十四日御史臺檢法李謙倣貞觀政要仁

皇訓典諸書為壽皇聖範十卷共一百四十門一千一

百五十事始於聖朝盛事終于頌聲

慶元光宗聖政

慶元六年二月戊寅

二十一
二日

太上皇帝光宗聖政三十卷

并日歷會要
玉牒同進已卯率羣臣進壽康宮親製序先是五年

十月五日詔開局編類置檢討官二員鍾必萬
楊濟

嘉定高宗寶訓 孝宗寶訓

嘉泰二年二月十二日學士陳宗召請用天聖元豐故

事輯高宗寶訓七月命史院修纂嘉定六年閏九月二十七日上七十卷十一月三日進讀十四年終篇至十四年五月九日壬辰又上孝宗寶訓六十卷并目錄二卷繇聖孝至方技先是十一年三月壬辰任希夷等奏修七月乙酉命袁燮編類

淳祐光寧寶訓

四十卷淳祐十一年二月乙未上先是嘉定十四年七月丁未開院修光宗寶訓

景定聖訓

見東宮類

淳熙中校書郎劉光祖取太祖太宗治要彙為十節為
兩朝聖範上之 蔡幼學撰國朝政要編年四十卷自
建隆迄靖康 李圭撰十朝綱要 陳傅良有開基事
要十卷亦曰建隆編 陸經記祖宗獨斷凡十事一卷
立國不以力勝仁理財不以利傷義御民不以權易信
用人不以才勝德 典貽於子孫政布於方策神墨靈

式粲然具存 是訓是彝率乃攸行 洪業休德體堯
蹈舜 祕如河圖重若典寶 夏遵禹訓商奉湯典周
守文武之法漢循高祖之律唐行太宗之制子孫享有
天祿咸數百年 校石渠之議不如奉高帝之詔書論
延英之詩寧若讀太宗之政要 日誦帝堯之言祇率
文王之訓如奉弘璧如寶大龜 夏書陳皇祖之訓周
命述文王之謨 太祖聖畧讀於慶歷仁皇訓典覽於
元祐 篤前人之成烈率乃祖之攸行 陶唐之隆順

考古典周成之美率由舊章

論史

韓愈論史云後之作者在據事跡實錄則善惡自見
李翱謂指事載功則賢不肖易見

漢史要

隋志史要十卷漢桂陽太守衛颺撰約史記要言以類
相從張瑩撰史記正傳九卷 唐志雜史類衛颺史記
要傳十卷王延秀史要二十八卷 蜀志孟光銳意三

史 北史劉畊延明以三史文繁著畧記百三十篇八
十四卷 隋志史漢要集二卷晉祠部郎王茂抄史記
入春秋者不錄唐志 同 三史要畧二十九卷吳張溫撰唐志

卷三十

晉譙周古史考

司馬彪傳譙周以司馬遷史記書周秦以上或采俗語
百家之言不專據正經周於是作古史考二十五篇皆
憑舊典以糾遷之謬至晉秦始中司馬彪復以周為未

盡善條古史考中凡百二十二事為不當多據汲冢紀

年之義亦行於世

蜀志譙周撰定法訓五經論古史

考書之屬百餘篇

隋志古史考二十五卷晉義陽亭

侯譙周撰

唐志同

左傳正義譙周考古史以為炎帝與

神農各為一人 小司馬三皇本紀按古史考

蜀諸葛亮論前漢事

隋志正史類一卷

晉漢書集解

史通漢書舊無注解唯服虔應劭等各為音義自別施

行隋志漢書一百十五卷應劭集解唐志服虔音訓一卷應劭集解音義二十四卷

至典午中

朝爰有晉灼集為一部凡十四卷又頗以意增益時辨

前人當否號曰漢書集注

隋志晉灼集注十三卷

金行播遷此書

不至江左爰自東晉至于梁陳南方學者皆弗之見有

臣瓚者莫知氏族考其時代亦在晉初又總集諸家音

義稍以己之所見續廁其末舉駿前失喜引竹書凡二

十四卷後人不知臣瓚所作乃謂之應劭等集解斯不

審矣 索隱班氏書諸儒共所鑽仰蔡謨集解之時已

有二十四家太史書殘文斷句尤難考詳古今注解者

絕希 蔡謨傳總應劭已來注班固漢書者為集解

劉臻

精於兩漢書 時稱漢聖

隋志晉劉寶漢書駁議二卷

寶為中庶子侍皇太子

子講漢書 隋志梁時明漢書有劉顯

音二卷

韋稜

續訓五卷

陳有

姚察

訓纂三十卷集解卷定漢書疑二卷

隋有包愷

音十卷

蕭該

音義十卷

今本二卷並為名家 漢書學以蕭

史記傳者甚微梁有孟康

音九卷劉孝標注一百四十卷陸澄注一百二卷梁元

帝注一百十五卷

並亡

項岱注漢書敘傳五卷

雜史類晉
葛洪漢書

鈔三
十卷

齊史林

南史齊太祖建元四年詔東觀學士撰史林三十篇魏文皇覽之流也

梁阮孝緒正史削繁

隋志雜史九十四卷 南史梁袁峻抄史漢各為二十卷崔慰祖云常欲注遷固二史採史漢所漏二百餘事

漢張衡傳條上遷固所叙與典籍不合者十餘事

唐御銓定漢書

志御銓定漢書八十七卷高宗與郝處俊等撰顏師古注一百二十卷 頤師古傳為太子承乾注漢書上之賜物二百段新注漢書叙例載諸家注釋名氏爵里後漢荀悅服虔應劭伏儼劉德鄭氏李斐李奇魏鄧展文穎張揖蘇林張晏如淳孟康項昭吳韋昭晉晉灼劉寶臣瓊郭璞蔡謨後魏崔浩孝文紀注中援胡公韶而叙例不列師古注叙例曰歲

在重光律中大呂其書始就
遊秦撰漢書決疑十二卷師古多資取其義

唐漢書學

敬播傳房玄齡患顏師古注漢書文繁令掇其要為四十篇是時漢書學大興其章章者若劉伯莊秦景通兄

弟劉訥言皆名家

唐志敬播注漢書四十卷音義十二卷

顏師古傳精

訓故學所注漢書急就章大顯于時初師古叔游秦撰

漢書決疑

卷十二上

師古多資取其義又見王勃傳九歲

得師古注漢書讀之作指瑕擿其失隋志史記漢書

師法相傳並有解釋

漢疏四卷

唐志姚察漢書訓纂三十

卷姚珽紹訓四十卷顧睂古文集義二十卷李善辨惑
二十卷元懷景議苑

開元右庶子卷亡

文史類裴傑史漢異義

三卷開元十七年上授臨濮尉 漢班昭傳漢書始出
多未能通馬融於閣下從昭受讀後又詔融兄續繼昭
成之

唐史記至言

褚無量傳為乾元殿修書使所撰述百餘篇卒後有於

書殿得其所講史記至言十二篇帝歎息以絹五百匹
賜其家 志雜史類褚無量帝王紀錄三卷

唐史記索隱

志司馬貞史記索隱三十卷 序史記晉有徐廣始考
異同作音義十三卷宋裴駰取經傳訓釋作集解合為
八十卷雖粗見微意而未窮討論南齊鄒誕生亦作音
義貞觀中劉伯莊又作音義貞探求異聞採摭典故解
其所未解申其所未申者釋文演注又重為述贊凡三

十卷

唐史通 析微

劉子玄傳名知幾中宗時領史事自以為志不遂乃著

史通內外四十九篇辨評古文

知幾時為中書舍人兼國史其序漢儒論經白虎殿名曰白虎通予在史館成此書目曰史通時景

龍四年庚戌仲春漢求司馬遷後封為史通子

徐

堅讀之歎曰為史氏者宜置此坐右又嘗自比揚雄雄

準易作經當時笑之吾作史通俗以為愚沒後帝詔河

南就家寫史通讀之稱善子玄領國史且三十年官雖

徙職常如舊曰史有三長才學識世罕兼之

三為史臣再入東觀

志文史類劉子玄史通二十卷

景龍二年作開元十一年十一月劉諫錄上

柳氏釋史十卷

柳璨一作史通析微

史通上表自六家至自叙

三十六篇及前叙及志中共四十二篇自辨惑以下缺

體統紕繆弛張文質褒貶五篇下表自史官至忤時十

三篇

內篇六家至弛張第三十八外篇史官建置至忤時第十三

會要光化三年

柳璨作析微紀子玄之失纂成十卷書目史通二十

卷評議作史體例商榷前人駁難其失分内外篇內篇

十卷三十六篇又有體統紀繆弛張三篇缺外篇十卷
凡十三篇案自序自為著作佐郎至祕書少監並兼史
職因成此書史通析微十卷隨篇評論其失凡四十九
篇又第十篇摭知幾四朝實錄之失 孫何著駁史通
十餘篇 晁氏志前世史部有史抄類而集部中有文
史類今世抄節之學不行而論說者為多故自文史類
內摘出論史者為史評附史部而廢史抄云

唐史例

劉子玄子餗天寶初為史官父子三人更涖史職著史
例頗有法志文史類劉餗史例三卷沂公史例十卷
田弘正客撰田弘正傳通春秋左氏客為著沂公史
例行于世舊史韋述史例一卷書目劉餗史例三
卷以前史詳略由於無法故櫟括諸凡附經為例邵必
史例總論十卷必修唐書因取遷固陳壽等書質以春
秋之法為三十篇上之兩朝志林縣史論二
十卷邵必史例十卷

唐注後漢書

舊紀儀鳳元年十二月丙申皇太子賢上所注後漢書

賜物三萬段

唐十三代史駁議

舊史吳武陵撰二十卷 後魏平恒自周以降暨於魏世帝王傳代之由貴臣升降之緒皆撰錄品第商畧是
非號曰畧注合百餘篇

唐史記名臣疏

舊史竇群學春秋於啖助之門人盧底著書三十四卷

號史記名臣疏貞元中蘇州刺史韋夏卿以丘園茂異
薦兼獻其書不報及夏卿為京兆尹復薦羣召拜左拾
遺

唐漢書古今集

舊史顧睂撰二十卷

皇祐前史精要

皇祐三年十月癸未會要十
二月詔侍讀丁度等前後漢書

節義撰序及名甲申度等請名兩漢簡微前史精要詔

以精要為名 實錄三年十月甲申觀文殿學士上前
後續漢書節義賜名前史精要五年九月壬辰上前史
精要後漢書三十卷

景祐漢書刊誤

國史志余靖漢書刊誤三十卷景祐初靖言漢書差舛
詔與王洙盡取祕閣古本對校踰年乃定著此議者譏
其疏謬 程俱班左誨蒙三卷崔端詩為廣蒙三卷
書目漢書刊誤一卷淳化中史館修撰張佖撰疏錄義

涉諸家字該兩體者凡六篇今附見諸卷後兩漢博聞十二卷楊侃撰取名數解釋為此書漢書標注六卷劉敞放奉世標注誤失東漢刊誤四卷劉敞嘉祐八年奉詔與錢藻等六人刊正後漢書敞增損其書凡字點畫偏傍不應古及其文句缺衍或引采經傳有謬誤者率以意刊改西漢刊誤一卷
傳以為放之書吳仁傑兩漢刊誤補遺十

卷

嘉祐重校漢書

嘉祐六年十二月命祕書丞陳繹重校前漢書又詔參政歐陽修看詳熙寧二年八月六日參政趙抃進新校漢書印本五十冊及陳繹所著是正文字七卷賜繹銀絹先是景祐二年祕丞余靖言前漢書繆誤請刊正詔靖及國子監直講王洙校對踰年乃上漢書刊誤三十卷九月壬辰詔學士張觀等刊定頒行

元祐唐鑑

著作佐郎范祖禹與司馬光修資治通鑑分職唐史采

得失之迹善惡之效上起高祖下終昭宣凡三百六篇
為十二卷名曰唐鑑元祐元年進 晁氏志范祖禹醇
夫著此書取武后臨朝二十一年繫之中宗其言曰此
春秋公在乾侯之義也雖得罪於君子亦所不辭觀此
則知醇夫之從溫公決非苟同者 唐沈既濟經學該
明召拜史館修撰初吳兢撰國史為則天本紀次高宗
下既濟奏議請省天后紀合中宗紀每歲首必書孝和
在所以統之曰皇帝在房陵太后行某事改某制紀稱

中宗而事述太后名不失正禮不違常夫正名所以尊
王室書法所以觀後嗣議不行 石介唐鑑五卷撫姦
邪宦女事迹

唐書備問

王曉二卷 程鵬唐史屬辭四卷四言成文兩兩相比
元祐元年楊傑序 吕夏卿唐書直筆四卷夏卿預修
新史此其在書局時所建明歐宋間有取焉如增入高
祖字叔德之類 寶華音訓四卷新書多奇字觀者必

資訓釋革發揮良多而其書時有攻革者不知何人附
益 吳縝辨證二十卷數新書初修之時其失有八類
其舛誤二十門凡四百餘事

鎮不能屬文多誤有詆訶

縝又撰五代

史纂誤五卷凡二百餘事 孫甫唐史要論十卷歐陽

公司馬公蘇子瞻稱其書議論精覈

紹興十七史蒙求

十八年陳夢協進十七史蒙求給事中韋壽成看詳二

月十七日加賜束帛 劉羲叟著十三代史志劉氏輯

歷春秋灾異諸書 胡衛通史緣起二十卷推盤
古以來衆說之異同 兩朝志國初承唐舊以史
記兩漢書為三史列於科舉而患傳寫多誤雍熙
中始詔三館校定摹印自是刊改非一然猶未精
咸平中校三國志晉唐書後又校隋書南北史獨
唐書以訛畧不用改修十七年乃成又以宋齊梁
陳後魏北齊周七史各有正書或殘缺令天下悉
上異本崇文院校定與唐書鏤板頒之唯五代史未得

立

淳熙漢規

十三年二月五日宰執進呈鄭建德所著漢規上曰議論可采可付秘省 錢文子補漢兵志一卷又漢唐事要二十卷 王逸西漢決疑五篇曰失實引古異言雜證注釋 唐仲友兩漢精義唐書精義 錢時兩漢筆記 陳季雅兩漢博議二十卷 何備西漢補遺一卷 劉夔晉書指掌十二卷以事實類分六

十五門

通鑑約說

陳瓘撰。瓘為別試主文林自謂蔡卞曰聞瓘欲盡取史學而黜通經之士意欲沮壞國是而動搖荆公之學卞謀因此害瓘遂禁絕史學。瓘預料其如此乃於前五名悉取談經五名以下皆博洽稽古之士。瓘曰當時若無矯揉則勢必相激史學遂廢矣。瓘為大學博士蔡卞方議毀資治通鑑板公聞之因策士題特引序文以明

神考有訓林自以告亡密令置板高閣不復議毀矣

瓘

通鑑如藥山隨取隨得又謂讀通鑑然後知文正之有
相業也又謂天下之變故無常唯稽往事則有以知其
故而應變王氏之學乃欲廢絕史學其事正與晉無異將必荒唐亂天下矣

讀史管見

胡寅既退居著讀史管見論周秦至五代得失其論甚
正蓋於蔡京秦檜之事數寄意焉

通鑑綱目發明

尹起莘撰通鑑綱目發明五十九卷 司馬公推本荀

悅漢紀以為通鑑若冊書之法著於稽古錄而不引之
於此以相附近至於帝曹魏而寇蜀漢帝朱梁
而寇河東繫武后之年黜中宗之號與夫屈原
四皓之見削揚雄荀彧之見取諸若此類其於春秋懲
勤之法若有未盡用者此綱目之書所為作也 荀悅
曰立典有五志焉一曰達道義二曰章法式三曰
通古今四曰著功勲五曰表賢能干寶之釋五志也體
國經治之言則書之用兵征伐之權則書之忠臣烈士

孝子貞婦之節則書之文告專對之辭則書之才力伎藝殊異則書之袁山松曰書之為難有五煩而不整一難也俗而不典二難也書不實錄三難也賞罰不中四難也文不勝質五難也程子曰讀史須見聖賢所存治亂之機賢人君子出處進退便是格物又曰讀史不徒要記事跡須要識治亂安危興廢存亡之理朱子曰為學之序為已而後可以及人達理然後可以制事故程夫子教人先讀論孟次及諸經然後看史呂

氏曰讀史不可隨成敗為是非又不可輕立意見易出
議論須揆之以理體之以身平心熟看又曰論一時之
事紀傳不如編年論一人之終始編年不如紀傳 真
氏曰評世變者指經術為迂談性命者詆史學為陋盍
亦觀諸聖門乎有五經以明其理有春秋以著其用論
語所紀微而性與天道顯而忠信篤敬至於泰伯文王
之為德三仁之為仁子產之惠子莊子之勇莫不具論
其所以然者子思孟子之學言天命之性者理也言王

季文王之述作武王之達孝者用也言仁義者理也言
井田學校之政三王五霸之功臯者用也善學者本之
以經參之以史所以明理而達諸用也

玉海卷四十九

欽定四庫全書

玉海卷五十

宋 王應麟 撰

藝文

譜牒

鄭樵氏族畧曰三代之前姓氏分而為二男子稱氏
婦人稱姓氏以別貴賤貴者有氏賤者有名無氏姓
所以別婚姻故有同姓異姓庶姓之別三代之後姓

氏合而為一皆所以別婚姻而以地望明貴賤於文
女生為姓故姓之字多從女如姬姜嬴姒姚媯姞妘
婤姶姪嫪之类是也 大傳正義云始祖為正姓者
若炎帝姓姜黃帝姓姬周姓姬本於黃齊姓姜本於
炎宋姓子本於契云高祖為庶姓者若魯之三桓慶
父叔牙季友之後鄭之七穆子游子國之後為游氏
國氏云若今宗室屬籍者以漢之同宗有屬籍則周
家繫之以姓是也 古者聖人吹律定姓以記其族

後之命氏其義有九蓋號謚爵國官字居事職之謂也自世本起于漢氏昭穆著于晉家錫土之制著于夏書司商所掌表於周典

黃帝二十五宗

國語晉司空季子曰黃帝之子二十五人其同姓者二人而已唯青陽與夷鼓鼓一名蒼林皇甫謐云夷皆為己姓青陽方雷氏之甥也夷鼓彤魚氏之甥也其同生而異姓四母之子別為十二姓凡黃帝之子二十五宗史記紀云其二十五子

得姓者十四人為十二姓

得姓以德居官而賜之姓也二人為姬二人為己故十二

姓姬酉祁己滕箴任荀僖姞儇依是也唯青陽與倉林

氏同于黃帝故皆為姬姓同德之難也如是史記索隱曰姬姓青

陽當為玄菟

史記嫘祖為黃帝正妃生二子其後皆有天

下曰玄菟昌意 漢王莽傳黃帝二十五子分賜

厥姓十有二氏 命歷序黃帝傳十世二千五百

二十年或云八代十唐呂才曰堪輿經黃帝對天老有

五姓之言 後漢書蘇竟曰三十五姓注春秋運

斗樞曰五七三十五人皆兆一德 古之典禮者
皆以宗名伯夷作秩宗周官有宗伯下及都家有
宗人

五帝繫牒

史記三代世表太史公曰五帝三代之記尚矣

索隱曰此表依

帝繫本自殷以前諸侯不可得而譜周以來乃頗可著孔子因史文次春秋紀元年正月日時蓋其詳哉至於序尚書則畧無年月或頗有然多闕不可錄故疑則傳疑

蓋其慎也余讀牒記注牒者記系謚之書黃帝以來皆有年數稽

其歷譜牒終始五德之傳

褚先生引黃帝終始傳

古文咸不同乖

異夫子之弗論次其年月豈虛哉於是以五帝繫牒尚

書集世紀黃帝以來訖共和為世表

索隱曰大戴禮有五帝德帝繫篇太史公取此二篇之牒及尚書

集而紀黃帝以來為系表也起黃帝至顓頊三世帝嚳

四世帝堯五世至桀二十世至湯十七世至紂四十六

世至武王立十九世自黃帝至堯舜禹皆同姓而異其

國號以章明德

五帝考德

前漢厯志帝考德曰少昊曰清黃帝之子青陽也注師
古曰考德者考五帝德之書也又有堯舜禹帝系之書
史記太史公曰予觀春秋國語其發明五帝德帝繫
姓章矣見下歐陽修帝王世次圖序云司馬遷作本紀

出於大戴禮世本諸書今依其說圖而考之堯舜夏商
周同出黃帝云云

唐帝系 虞帝系 禹帝系

前律歷志唐帝帝系曰帝嚳四妃陳豐生帝堯封於唐
蓋高辛氏衰天下歸之木生火故為火德天下號為陶
唐氏即位七十載虞帝帝系曰顓頊生窮蟬六世生舜
處虞之媯汭堯嬗以天下火生土故為土德天下號曰
有虞氏即位五十載伯禹帝系曰顓頊六世而生禹虞
帝嬗以天下土生金故為金德天下號曰夏后氏繼世
十七王四百三十二歲 大戴禮帝繫篇第六十三始於少皞終於塗山

史記太史公曰孔子所傳宰予問五帝德及

帝繫姓儒者或不傳予觀春秋國語其發明五帝德帝繫姓章矣正義大戴禮及孔子家語篇名案隱同春秋

正義司馬遷采帝系世本以為史記 蜀志秦宓見帝系之文五帝皆同一族辨其不然之本 太平御覽引帝系譜女媧充樂

堯百官族姓

堯典九族既睦平章百姓注百官也正義此下既言黎民故知百姓即百官族姓也 左傳隱八年無駭卒羽

父請謚與族公問族於衆仲對曰天子建德因生以賜姓立有德為諸侯因其所由生以賜姓若舜由媯汭故陳為媯姓胙之土而命之氏諸侯以字位卑不得賜姓故其臣因氏其王父字為謚因以為族或即先人之子稱公子公子之子稱公孫公孫之子以王父字為氏正義氏族一也釋例曰別而稱之謂之氏合而言之則曰族例言別合者若宋華向出戴桓公獨舉其人則云華氏向氏并指其宗則云戴族桓族記謂之庶姓者以始祖為正姓高祖為庶姓

庶姓亦氏族之別名也姓則受之於天子族則稟之於時君其不賜者各從父之姓族黃帝之子兄弟異姓周之子孫皆姓姬者古今不同賜姓者亦少唯外姓媯滿之徒賜族者有大功德宜世享祀者方賜之王朝大夫不封為國君者王賜之族春秋尹氏武氏之徒魯挾鄭宛皆未賜族故單稱名華督生立華氏魯之翬挾柔溺名見於經其後無聞是或不得族也其士會之翬處秦者為劉氏伍員之子在齊為王孫氏知果自別其族為

輔氏皆身自為之非復君賜釋例曰子孫繁衍枝布葉

分始承其本末取其別故其流至於百姓萬姓服虔云

公之母弟則以長幼為氏貴適統伯仲叔季是也庶公

子則以配字為氏尊公族展氏臧氏是也

春秋未賜族而身為大夫

則稱名無駭挾之類是也已賜族而使之世為大夫則稱族如仲叔季孫之類是也古者置卿必求賢德不以世官伊陟象賢復相大戊丁公世美入掌兵權不以世故疑之也

襄公十年伯輿之大

夫曰平王東遷吾七姓從王賜之驛旄之盟 襄十一

年同盟于毫載書曰七姓十三國之祖

晉曾衛鄭曹滕姬姓邾小邾曹

姓宋子姓齊姜姓莒己姓杞姬姓薛任姓實十三國

三十一年鄭公孫揮辨於大

夫之族姓班位 楚語觀射父曰民之徹官百王公之

子弟質能言能聽徹其官者物賜之姓以監其官謂之

百姓 物事也以功事賜之姓若司馬太史之屬姓有徹品十于王謂之千品

單襄公曰有分族于周 後魏禮志許叔重五經異義云今春秋

公羊穀梁說卿大夫世位則權并一姓謂周尹氏齊崔

氏也古春秋左氏說卿大夫皆得世祿傳曰官族易曰

食舊德書曰世選爾勞詩云不顯亦世

堯賜姓號

商頌正義中候握河紀云堯曰嗟朕無德欽奉丕圖賜爾二三子斯封稷契臯陶賜姓號注契為子稷為姬臯陶未聞 禮記正義鄭駁異義云炎帝姓姜太皞所賜黃帝姓姬炎帝所賜故堯賜伯夷姓曰姜禹姓曰姒姓曰子稷姓曰姬著在書傳是天子賜姓也諸侯賜卿大夫以氏若同姓公之子曰公子公子之子曰公孫公孫之子其親已遠以王父字為氏若適子以五十字伯

仲為氏若魯之仲孫季孫是也庶子以二十字為氏則展氏臧氏是也異姓則以父祖官及所食邑為氏則司馬司城是也以邑為氏若韓趙魏是也凡賜氏族者為卿乃賜大功德生賜以族若叔孫得臣是也以公子之字賜為族若仲遂是也無功德死後乃賜族若無駭是也若子孫不為卿其君不賜族自以王父字為族也

高陽高辛十六族

左傳高陽氏有才子八人

蒼舒隤數檮戭大臨厖降庭堅仲容叔達謂之八

愷高辛氏有才子八人伯奮仲堪叔獻季仲虎仲熊叔豹季狸謂之八元此十六族也世濟其美不墮其名

祝融八姓

鄭語史伯曰黎為高辛氏火正吳回故命之曰祝融能

昭顯天地之光明以生柔嘉材其後八姓祝融之後已

董彭秃曹董彭秃曹於周未有侯伯已姓昆吾蘇顧溫董董其董姓鬷夷

秦龍已姓之別彭姓彭祖豕韋諸稽大彭也豕韋諸稽其後別封禿姓舟

人彭祖之別妘姓鄖鄖路逼陽曹姓鄒莒鄒莒姓無後融之興

者其莘姓乎莘姓夔越不足命也惟荆實有昭德

春秋疏世

本氏姓篇云任姓謝章
薛舒呂祝終泉畢遇

禹錫土姓

禹貢錫土姓注天子建德因生以賜姓謂有德之人生此地以此地名賜之姓以顯之鄭玄注謂胙之土賜之姓舜典別生分類注生姓也別其姓族分其類使相從 國語帝胙禹以天下賜姓曰姒氏曰有夏胙四岳國命為侯伯賜姓曰姜氏曰有呂 史記紀舜封契于商賜姓子氏

棄別姓姬氏秦之先柏翳舜賜姓嬴氏傳舜賜董父姓
曰董氏曰豢龍胡公周賜之姓 論衡古者因生賜姓
若夏吞薏苡而生則姓苡氏商吞燕子而生則姓子氏
周履大人綦則姬氏古者有本姓有氏姓陶氏田氏事
之氏姓也上官氏司馬氏吏之氏姓也孟氏仲氏王父
字之氏姓也

夏商姓氏

史記太史公曰禹為姒姓其後分封用國為姓故有夏

后氏有扈氏有男氏斟尋氏彤城氏襄氏費氏杞氏縕
氏辛氏冥氏斟氏戈氏契為子姓其後分封以國為姓
有殷氏來氏宋氏空桐氏稚氏北殷氏目夷氏

商民六族 七族

見分器

周譜 春秋歷譜牒

漢溝洫志大司空掾王橫引周譜云定王五年河徙注
如淳曰世統譜牒也 藝文志歷譜帝王諸侯世譜二

十卷古來帝王年譜五卷漢元殷周牒歷十七卷 史記三代世表云云

見五帝
繫牒

十二諸侯年表太史公讀春秋

歷譜牒至周厲王廢書而歎索隱自古為春秋學者有

年歷譜牒之說 南史劉晉云桓譚新論云太史公三

代世表旁行邪上並效周譜 漢張衡傳一介之策各

有攸建子長牒之爛然有第

注等傳 功臣

唐柳芳曰司馬

遷因周譜明世家 張蒼歷譜五德 杜元凱作春秋

長歷及公子譜

周繫世 世本

禮瞽矇諷誦詩世奠繫注杜子春云小史主次序先王之世昭穆之繫述其德行瞽矇主誦詩并誦世繫以戒勸人君故國語曰教之世以休懼其動玄謂世之而定其繫謂書於世本也 小史掌邦國之志定繫世辨昭

穆注帝繫世本之屬疏天子謂之帝繫諸侯謂之世本

魯語宗有司曰工史書世

工瞽師官史大史世次先後宗祝書昭

穆宗伯掌其禮大祝掌其位宗廟之有昭穆以次世之長幼等胄之

親疏

傳曰文曰昭武曰穆
大王之昭王季之穆

楚語申叔時曰教之世而

為之昭明德廢幽昏

先王之
世繫也

大傳繫之以姓而弗別

周道然也

始祖為正姓高祖為庶姓
繫之弗別若今宗室屬籍

漢志春秋家世

本十五篇古史官記黃帝以來訖春秋時諸侯大夫

隋志世本王侯大夫譜二卷世本一卷劉向撰世本四

卷宋衷撰

司馬遷已采世
本恐非向撰

漢初得世本叙黃帝以來祖

世所出

言姓氏皆本世本公
子譜上書皆本左傳

唐志宋衷世本四卷世

本別錄一卷宋均注帝譜世本七卷王氏注世本譜二

卷

顏之推云世本左丘明所書此說出帝王世紀

漢司馬遷贊世本錄黃帝

以來至春秋時帝王公侯卿大夫祖世所出遷采世本

梅福傳綏和元年以世本相明封孔子世 班彪傳

世本一十五篇司馬遷刪世本 史記注鄭康成駁異

義曰天子賜姓命氏諸侯命族族者氏之別名也姓者

所以統繫百世使不別也氏者別子孫之所出故世本

之篇言姓則在上言氏則在下也劉向曰世本古史官

明於古事者所記錄黃顓以來至春秋時王侯諸國世

卿大夫名字號與左氏合索隱云錄黃帝以來帝王諸侯及卿大夫系謚名號凡十篇五春秋正義今之世本與司馬遷言不同世本多誤

不足依憑又引世本氏姓篇言十國皆任姓書正義

案今世本帝繫

二禮注引世本作疏世本有作篇記諸作事云孟子注引世本錄諸侯之世

詩正義引宋仲子注

史通能言吾祖鄭子見師不識其

先籍談見笑周撰世本式辨諸宗楚置三閭實掌王族通鑑外紀世本經秦歷漢儒者改易

大戴禮出

於世國史志崔表世本圖一卷周語仲山父

曰司商協名姓注司商掌賜族受姓之官商金聲

清謂人始生吹律合之定其姓名 白虎通古者

聖人吹律定姓以記其族人含五常而生聲有五音

是類謀黃帝吹律以定姓

孔子京房亦然

禮秋官司約治

民之約注若懷宗九姓在晉殷民六族七族在魯衛

易正義按世譜等羣書神農一曰連山氏云云 詩生民

疏大戴禮帝繫篇云帝嚳卜其四妃之子皆有天下云云

家語世本其文亦然毛傳司馬遷為五帝本紀皆依用

焉 唐張說曰古未有姓自炎帝之姜黃帝之姬始因

所生地而為姓其後天子建德因生賜姓

小司馬三皇紀神農其後

有州甫甘許戲露齊紀怡向
中呂皆姜姓之後並為諸侯

古三墳有姓紀一篇太古

河圖代
姓紀

五宗

禮記大傳別子為祖繼別為宗繼禰者為小宗有百世不遷之宗有五世則遷之宗疏百世不遷謂大宗也
五世則遷謂小宗也百世不遷者別子之後也宗其繼別子之所自出者百世

不遷者也五世則遷者繼高祖者也宗其繼高祖者五
世則遷者也注別子諸侯之庶子別為後世為始祖也
別子之世適族人尊之謂之大宗是宗子也別子庶子
之長子為其昆弟為宗謂之小宗以其將遷也小宗有
四或繼高祖或繼曾祖或繼祖或繼禰疏小宗雖四初
皆繼禰為始書大傳宗室有事族人皆侍終日大宗
已侍於賓奠然後燕私注禮志云別子為祖繼別為大
宗繼禰為小宗白虎通宗族篇大宗能率小宗小宗

能率羣弟宗其為始祖後者為大宗此百世之所宗也
宗其為高祖後者五世而遷者也高祖遷於上宗則易
於下宗其為曾祖後者為曾祖宗宗其為祖後者為祖
宗宗其為父後者為父宗以上至高祖宗皆為小宗以
其轉遷別於大宗也別子者自為其子孫為祖繼別也
各自為宗小宗有四大宗有一凡有五宗 儀禮大宗
者尊之統也收族者也 詩公劉君之宗之注為之君
為之大宗也呂氏曰古者建國立宗其事相須 左傳大夫有貳宗注

子之副
武者保姓受氏以守宗祊 周書允文篇選同氏姓
位之宗子 隋志禮類梁有五宗圖一卷

晉九宗

見官制

三代世表 譜牒

史記自序三代尚矣年紀不可考蓋取之譜牒舊聞作
三代世表第一周室衰微諸侯專政春秋有所不紀而
譜牒經畧作十二諸侯年表第二 吕氏曰史記十表

意義弘深三代世表以世系為主以觀百世之本支黃帝之初先列譜系以祖宗為經子孫為緯則五帝三代皆出黃帝可知矣

世系未必可盡信然叙載本支則古法也

周成王之後詳

列諸侯以世為經以國為緯則親疏之相輔可知顓頊以下周武以上有經無緯止列世系而大治亂附焉則正嫡旁支之繼統可知今本自顓頊至帝堯猶有經有緯蓋子長借譜系上方書帝王之世耳

春秋公子譜

書目春秋公子血脉譜其傳本曰荀卿撰秦譜下及項
滅子嬰之際非荀卿作明矣然枝分派別如指諸掌非
殫見洽聞不能為其間不無訛謬 中興書目一卷唐

楊蘊撰 崇文目春秋類演左傳謚族圖五卷春秋世
譜七卷帝王歷紀譜二卷春秋宗族名謚譜五卷 春

秋正義杜預采太史公書世本旁引傳記以為世族譜

預作春秋
公子譜 隋志春秋左氏諸大夫世譜十三卷

屈原為楚三閭大夫掌王族三姓曰昭屈景序其譜屬

率其賢良以厲國士

漢帝本系

漢高紀贊春秋晉史蔡墨有言陶唐氏既衰其後有劉累學擾龍事孔甲范氏其後也而大夫范宣子亦曰祖自虞以上為陶唐氏在夏為御龍氏在商為豕韋氏在周為唐杜氏晉主夏盟為范氏范氏為士師魯文公世奔秦後歸于晉其處者為劉氏劉向云戰國時劉氏自秦獲于魏秦滅魏遷大梁都于豐是以頌高祖曰漢帝

本系出自唐帝降及于周在秦作劉涉魏而東遂為豐
公豈公蓋太上皇父及高祖即位置祠祀官則有秦晉
梁荆之巫世祠天地綴之以祀豈不信哉 王命論劉
氏承堯之祚氏族之世著乎春秋唐據火德而漢紹之

漢帝王譜 世譜 年譜

志歷譜十八家帝王諸侯世譜二十卷古來帝王年譜

五卷又見上

隋志漢氏帝王譜三卷

唐志

漢初得世本二卷

叙黃帝已來祖世所出而漢又有帝王年譜 盧植傳

獻書竇武曰今同宗相後披圖案牒以次建之

漢屬籍

見宗戚類

漢諸王世譜 宗正著錄

並見後

漢官譜 譜學

見下

舊德名氏

唐柳沖傳後漢有鄧氏官譜隋志云晉亂已亡應劭有氏族一

篇王符潛夫論亦有姓氏一篇何承天有姓苑二篇譜

學大抵具此

又有賴川太守
聊氏萬姓譜

文選注七畧曰子雲家

牒言以甘露元年生

西都賦士食舊德之名氏

漢居官姓名

考工記注其曰某氏者官有世功若族有世業以氏名

官者也

若葬治皂隸
桃韋裏之類

食貨志武帝之初國家亡事為

吏者長子孫居官者以為姓名

王嘉傳孝文時吏居

官者或長子孫以官為氏倉氏庫氏則倉庫吏之後也

廣韻王符潛夫論姓氏志曰東門西郭南宮北郭皆

是因居也風俗通曰凡氏之興九事一氏於號唐虞夏殷是也姓氏篇序四氏於國齊魯宋衛是也

漢外屬圖

竇融傳在河西聞光武即位決策東向五年夏遣長史劉鈞奉書獻馬隗囂反融與五郡太守共砥礪兵馬上疏請師期帝深美之賜以外屬圖及太史公五宗外戚世家魏其侯列傳詔報曰每追念外屬孝景皇帝出自竇氏定王景帝之子朕之所祖昔魏其一言繼統以正

長君少君尊奉師傅修成淑德施及子孫此皇太后神
靈上天祐漢也

薛綜五宗圖

吳志薛綜定五宗圖 通典薛綜述鄭氏禮五宗圖曰
天子之子稱王子王子封諸侯若魯衛是也諸侯之子
稱公子公子還自仕食采於其國為卿大夫若魯公子
季友是也則子孫自立此公子之廟謂之別子為祖則
嫡嫡相承作大宗百代不絕大宗之庶子則皆為小宗

小宗有四五代而遷已身庶也宗禰宗已父庶也宗祖宗已祖庶也宗曾祖宗已曾祖庶也宗高祖宗已高祖庶也則遷而唯宗大宗 晉杜元凱宗譜云云 賀循宗義曰太祖之代則為大宗宗之本統故也支子旁親非太祖之統謂之小宗 傅純問賀云云殷浩問范宣云云 曹述初集解明宗義曰其士大夫之嫡者此為諸侯別子之後也 庾亮問賀循曰祖宗之正不易則本枝昭穆歷百代而不亂此立宗之大旨也答曰禮宗子之義所

以明本祖之正統紀百代而不紊 漢石渠禮議曰
聞人通漢戴聖云云 賀循宗義曰奉宗加於常禮平
居即每事諮詢 文中子曰宗祖廢而氏姓離矣

張勃吳錄吳八族

陳桓呂寶公司馬徐傳

朱張顧陸

魏管寧傳

注傳子曰寧以世多妄變氏族者著氏姓論以原本世

系

晉族姓昭穆記

隋志晉摯虞作族姓昭穆記十卷

晉亂已亡

摯虞傳以漢

末喪亂譜傳多亡失雖其子孫不能言其先祖撰族姓昭穆十卷上疏進之以為足以備物致用廣多聞之益史通晉有摯虞族姓記郭須撰魏晉世譜十卷

祭統有事於太廟羣昭羣穆咸在而不失其倫注謂同宗父子皆來孝經疏昭明也穆敬也故昭南向穆北向後漢志注決疑要注曰凡昭穆父南面故曰昭昭明也子北面故曰穆穆順也始祖特於北其後以次夾始祖而南昭在西穆在東相對蔡邕明堂論引禮記昭

穆篇曰祀先賢于西學所以教諸侯之德 朱子曰昭之言明也其讀為韶者晉避諱而改之禮書作倡字者假借而通用耳祫于廟室羣昭南向取其向明羣穆北向取其深遠

晉姓氏簿狀 宋百家譜 齊百家譜 梁百
家譜 宋姓苑 姓氏英賢譜 國親傳 姓
氏要狀 百氏譜記 譜學

南齊賈淵傳字希鏡祖弼之父匪之世傳譜學先是譜

學未有名家弼之廣集百氏譜記專心治業晉太元中朝廷給弼之令史書吏撰定繕寫藏祕閣乃遷左民曹及淵三世傳學凡十八州士族譜合百表七百餘卷該究精悉當世莫比永明中衛軍王儉抄次百家譜與淵參懷撰定撰氏族要狀及人名書並行於世 梁王僧孺傳入直西省知撰譜事武帝留意譜籍因詔僧孺改定百家譜始晉太元中賈弼篤好簿狀廣集衆家大搜羣族撰十八州一百十六郡合七百十二卷凡諸大品

畧無遺闕劉湛為選曹始撰百家以助銓序傷於寡畧
隋志梁有宋譜四卷劉湛百家譜一卷顧協撰異姓苑五卷齊王儉復加去取得繁

省之喪僧孺通范陽張等九族以代鴈門解等九姓其

東南諸族別為一部不在百家之數集十八州譜七百

一十卷百家譜集抄十五卷隋志東南譜集抄十卷徐

該薛綜百氏同避其諱隋志案梁有王司空新集諸州譜十二

卷又別有諸姓譜一百十六卷益州譜四十卷關東關

北譜三十三卷梁武帝總責境內十八州譜六百九十

卷儀注有國親皇太子序親簿一卷 唐柳沖傳晉太

元中散騎常侍河東賈弼撰姓氏簿狀十八州百十六

郡合七百一十二篇藏在祕閣副在左戶甄析士庶無

所遺宋王弘劉湛好其書弘日對千客可不犯一人諱

湛為選曹譏百家譜二卷以助銓序文傷寡省王儉又

廣之隋志云儉十卷
王逡之續四卷王僧孺演益為十八篇隋志三
十卷東

南諸族自為一篇不入百家數隋志南族譜二
卷拾遺一卷弼傳子

匪之匪之傳子希鏡希鏡撰姓氏要狀十五篇尤所諳

究希鏡傳子執執更作姓氏英賢一百篇

文選注引姓氏英賢錄

又著百家譜

隋志二十卷

廣兩王所記執傳其孫冠冠撰梁

國親皇太子序親薄四篇王氏之學本於賈氏唐興言

譜者以路敬淳為宗柳冲韋述次之李守素亦明姓氏

時謂肉譜者後有李公淹蕭穎士殷寅孔至為世所稱

初漢有鄧氏官譜應劭有氏族一篇王符潛夫論亦有

姓氏一篇宋何承天有姓苑二篇

隋志何氏二卷複姓苑一卷

譜學

大抵具此魏大和時詔諸郡中正各列本土姓族次第

為舉選格名曰方司格人到于今稱之 藝文志賈冠

國親皇太子親傳四卷王儉百家集譜十卷王僧孺百

家譜三十卷又十八州譜七百一十二卷賈軌百家譜

五卷

隋志又有傳昭
百家譜十五卷
世統十卷鈔五卷

又姓氏英賢譜

一百卷

隋志同

何承天姓苑十卷賈希鏡氏族要狀

十五卷

孫愬唐韻引姓氏英賢
傳姓苑王僧孺百家譜

沈約謂周漢之道以智役愚魏晉以來以貴役賤

裴子野謂三公之子傲九棘之家黃散之孫蔑令長之室

元

魏孝文大和二十年正月定諸州士族

後魏書有官氏志

李彪謂若取門地魯三卿孰若四科隋志魏遷洛有

八氏十姓三十六族九十二姓其中國人士有四海大

姓郡姓州姓縣姓史通譜牒之作盛於中古漢有趙

岐三輔決錄晉有摯虞姓族記江左有兩王百家譜中

原有方思殿格唐志有方司格一卷柳芳論善言譜者繫之地

望而不惑質之姓氏而無疑綴之昏姻而有別山東之人質故尚婚姻江左之人文故尚人物關中之人雄故

尚冠冕代北之人武故尚貴戚 鄭樵曰魏立九品置中正州大中正主簿郡中正功曹各有簿狀以備選舉晉宋齊梁因之晉賈弼宋王弘齊王儉梁王僧孺各有百家譜徐勉有百官譜宋何承天撰姓苑與後魏河南官氏志二書尤以為姓氏家所宗

晉籍

南史王僧孺傳梁武帝時知撰譜事先是尚書令沈約以為晉咸和初蘇峻作亂文籍無遺後起咸和二年以

至于宋所書皆詳實並在下省左戶曹前廂謂之晉籍
有東西二庫宋元嘉二十七年以七條召發偽狀巧籍
滋廣齊患其不實於是東堂校籍置郎令史掌之競行
貨以新換故詔書甲子不與長歷相應校籍諸郎亦所
不覺宋齊士庶不分職由於此竊以晉籍所餘宜加寶
愛武帝以是留意譜籍因詔僧孺改定百家譜見上齊

書建元三年詔曰黃籍人之大綱乃別置校籍官置令
史 晉陽秋初陳羣為吏部尚書制九格登用皆由中

正考之簿世然後授任

王戎門
調戶選

唐譜牒十七家

藝文志乙部史錄十二曰譜牒類十七家三十九部一千六百十七卷宋袁世本四卷世本別錄一卷宋均注帝譜世本七卷王氏注世本譜二卷漢氏帝王譜二卷齊永元年中表簿六卷梁大同四年表簿三卷齊梁宗簿三卷梁親表譜五卷後魏皇帝宗族譜四卷元暉業後魏辨宗錄二卷後魏譜二卷後魏方司格一卷齊高

氏譜六卷周宇文氏譜一卷賈冠國親皇太子親傳四
卷王儉百家集譜十卷王僧孺百家譜三十卷又十八
州譜七百一十六卷徐勉百官譜二十卷賈軌百家譜
五卷又姓氏英賢譜一百卷何承天姓苑十卷賈希鏡
氏族要狀十五卷官族傳十五卷冀州姓族譜七卷洪
州諸姓譜九卷袁州諸姓譜七卷司馬氏世家二卷楊
氏譜一卷楊氏蘇氏譜一卷孫氏譜記十五卷韋氏譜
十卷韋_鼎裴氏家譜二十卷裴守真大唐氏族志一百卷高士

廉姓氏譜二百卷

許敬宗撰

柳冲大唐姓族系錄二百卷路

敬淳衣冠譜六十卷著姓畧記二十卷不著錄二十二

家三百三十三卷王元感姓氏實論至諱行錄紀百氏

之譜牒者有姓苑畧氏族錄開元譜新定譜牒元和姓

纂姓林唐官姓氏記及家譜之屬紀皇室之譜牒者有

永泰新譜續譜皇唐玉牒行樓維城錄天潢源派譜皇

室新譜皇孫郡縣主譜之類他如宰相甲族孔子系葉

傳不可勝紀

唐世譜牒備士大夫以世家相高喜自植立

六典譜系類世

本等四十一部三百六十卷

隋志同

通亡書合五十三部

一千二百八十卷

舊志雜譜牒五十五部一十六百

九十一卷 崇文目氏族四十一部一百一十二卷

中興書目譜牒五十五家一百十一卷 繢目四家四

十六卷 景德龍圖閣史傳閣譜牒九十九卷

隋志

書稱別生分類傳曰天子建德因生賜姓周家小史定
繫世辨昭穆亦史之職也

唐氏族志 姓氏錄

高士廉傳太宗嘗以山東士人尚闊閑後雖衰子孫猶負世望嫁娶必多取資故人謂之賣昏由是詔士廉韋挺岑文本令狐德棻責天下譜牒參政史傳檢正真僞進忠賢退悖惡先宗室後外姓退新門進舊望左膏梁右寒畯合二百九十三姓千六百五十一家為九等號曰氏族志而崔幹仍居第一帝曰我於崔盧李鄭無嫌顧其世衰不復冠冕猶恃舊地以取貲不肖子偃然自高販鬻松檣不解人間何為貴之高齊據河北梁陳在

江南雖有人物偏方下國無可貴者故以崔盧王謝為
重今謀士勞臣以忠孝學藝從我定天下者何容納貲
舊門向聲背實買昏為榮耶

貞觀十六年六月己酉詔禁鬻昏

太上有

立德其次有立功其次有立言其爵為公侯卿大夫世
世不絕此之謂門戶今皆反是豈不惑耶朕以今日冠
冕為等級高下遂以崔幹為第三姓班其書天下贊古
者受氏以旌有功是時人皆土著故名宗望姓舉郡國
自表而譜系興焉遭晉播遷胡醜亂華百宗蕩析士去

墳墓子孫猶挾系錄以示所承而閥閱顯者至賣昏求財汨喪廉恥唐初流弊仍甚天子屢抑猶不為衰至中葉風教又薄譜錄都廢公靡常產之拘士無舊德之傳言李者悲出龍西言劉者悲出彭城悠悠世祚訖無考按冠冕阜隸混為一區可太息哉 藝文志大唐氏族志一百卷士廉挺文本德棻等撰 會要貞觀十二年正月十五日修氏族志一百卷崔幹為第三餘同士廉傳

舊紀十二年正月乙未吏部尚書高士廉等上一百三

十卷顯慶四年九月五日改為姓氏錄上親製序仍自
裁其類例 鄧名世曰唐宰相表九十三族至鍾陳韓
高之氏亦有訛舛

唐姓氏錄 熟格

高士廉傳高宗時許敬宗以氏族志不叙武后世李義
府恥其家無名更以孔志約楊仁卿史玄道呂才等十
二人刊定之裁廣類例合二百三十五姓二千二百八
十七家帝自叙所以然以四后姓鄒公介公及三公太

子三師開府儀同三司尚書僕射為第一姓文武二品及知政事三品為二姓各以品位高下叙之凡九等取身及昆弟子孫餘屬不入改為姓氏錄顯慶四年六月丁卯當時

軍功入五品者昇譜限縉紳恥言焉目為勲格義府奏悉索氏族志燒之又詔後魏隴西李寶太原王瓊滎陽鄭溫范陽盧子儀盧潭盧輔清河崔宗伯崔元孫前燕博陵崔懿晉趙郡李楷凡七姓十家不得自為婚姻壬戌會要顯慶四年十月十九日詔三品以上納幣不得過三百匹四品

五品二百六品七品百悉為歸裝夫氏禁受陪門財先是後魏大和中定四海望族以寶等為冠其後尚門地故氏族志一切降之王妃主婿皆取當時勲貴名臣家未嘗尚山東舊族房玄齡魏徵李勣復與昏故望不減然每姓第其房望雖一姓中高下縣隔李義府為子求昏不得始奏禁焉其後天下衰宗落譜昭穆所不齒者皆稱禁昏家益自貴凡男女潛相聘娶天子不能禁世以為敝云張說傳武后嘗問氏族皆本炎黃之裔則

上古乃無百姓乎若為朕言之說曰古未有姓若夷狄
然自炎帝之姜黃帝之姬始因所生地而為之姓其後
天子建德因生賜姓黃帝二十五子而得姓者十有四
德同者姓同德異者姓殊其後或以官或以國或以王
父之字始為賜族久而為姓降唐虞抵戰國姓族漸廣
周衰列國既滅其民各以舊國為之氏下及兩漢人皆
有姓故姓之以國者韓陳許鄭魯衛趙魏為多后曰善
藝文志姓氏譜二百卷許敬宗李義府孔志約楊仁

卿史玄道呂才撰 會要顯慶四年九月五日通鑑六月丁卯

詔改氏族志為姓氏錄上親製序仍自裁其類例凡二

百四十五姓二百八十七家呂才等十二人商量編錄

趙瑩曰古者衣冠之家書于圖籍中正清議以定品

流故有家史家傳族譜族圖江左百家軒裳綴軌山東

四姓簪組盈朝

唐姓族系錄 族譜總說

柳沖傳景龍中遷左散騎常侍修國史初太宗命諸儒

撰氏族志甄差羣姓其後門胄興替不常冲請改修其書帝詔魏元忠張錫蕭至忠岑義崔湜徐堅劉憲吳兢八人及冲共取功德時望國籍之家等而次之夷蕃酋長襲冠帶者析著別品會元忠等相繼物故至先天時復詔冲及堅兢與魏知古陸象先劉子玄等討綴書乃成號姓系錄冲表曰姓氏之初世本著其義昭穆之叙周譜列其風漢晉之年應摯明宗系之說齊梁之際王賈述衣冠之源開元初詔冲與薛南金復加刊竄乃定後柳芳著論甚詳芳之言曰氏族者古史官所記也昔

周小史定繫世辨昭穆故古者有世本錄黃帝以來至
春秋時諸侯卿大夫名號繼統左丘明傳春秋亦言天
子建德因生以賜姓胙之土而命之氏諸侯以字為氏
以謚為族昔堯賜伯禹姓曰姒氏曰有夏伯夷姓曰姜
氏曰有呂下及三代官有世功則有官族邑亦如之後
世或氏於國則齊魯秦吳氏於謚則文武成宣氏於官
則司馬司徒氏於爵則王孫公孫氏於字則孟孫叔孫
氏於居則東門北郭氏於志則三烏五鹿氏於事則巫

乙匠陶於是受姓名氏粲然舉矣

禮記疏天子賜姓賜氏諸侯但賜氏以伯

仲為氏魯之仲孫季孫是也以字為氏展氏臧氏是也異姓以官為氏司馬司城是也以邑為氏韓趙魏是也

風俗通氏於事巫卜陶匠是也廣韻注風俗通氏姓篇序云云王符潛夫論志氏姓云東門西門東郭

北郭所謂居也三烏五鹿青牛白馬所謂志也或王父字為氏或公子公孫為氏或父之母弟列伯仲叔季

為氏其族也或以先謚秦既滅學諸侯子孫失其本系或以世功或以君賜

秦既滅學諸侯子孫失其本系

漢興司馬遷父子乃約世本修史記因周譜明世家乃知姓氏之所由出虞夏商周昆吾大彭豕韋齊桓晉文皆同祖也更王迭伯多者千祀少者數十代先王之封

既絕後嗣蒙其福猶為彊家漢高帝興徒步有天下命
官以賢詔爵以功誓曰非劉氏王無功侯者天下共
誅之先王公卿之胄才則用不才弃之不辨士與庶族
然則始尚官矣然猶徙山東豪傑以實京師齊田與楚
屈昭景皆右姓也其後進拔英豪論而錄之蓋七相五
公之所由興也魏氏立九品置中正尊世胄卑寒士權
歸右姓以其州大中正主之晉宋因之始尚姓已然其
別貴賤分士庶不可易也于時有司選舉必稽譜籍而

考其真偽故官有世胄譜有世官賈氏王氏譜學出焉
由是有譜局令史職皆具過江則為僑姓王謝袁蕭為
大東南則為吳姓朱張顧陸為大山東則為郡姓王崔
盧李鄭為大關中亦號郡姓韋裴柳薛楊杜首之代北
則為虜姓元長孫宇文于陸源竇首之虜姓者魏孝文
帝遷洛有八氏十姓三十六族九十二姓八氏十姓出
於帝宗屬或諸國從魏者三十六族九十二姓世為部
落大人並號河南洛陽人郡姓者以中國士人差第閥

閱為之制凡三世有三公者曰膏粱有令僕者曰華腴尚書領護而上者為甲姓九卿若方伯者為乙姓散騎常侍太中大夫者為丙姓吏部正員外郎為丁姓凡得入者謂之四姓故江右氏族凡郡上姓第一則為右姓大和以郡四姓為左姓齊浮屠曇剛類例凡甲門為右姓周建德氏族以四海通望為右姓隋開皇氏族以上品茂姓為右姓唐貞觀氏族志凡第一等為右姓路氏著姓畧以盛門為右姓柳沖姓族系錄凡四海望族則為

右姓不通歷代之說不可以言譜也 志柳冲大唐姓

族系錄二百卷

岑義氏族錄卷七

會要神龍元年五月十八

日柳冲上表願修氏族之譜上從之令左僕射魏元忠

等八人重修至先天二年三月柳冲奏所修姓族錄成

上之凡二百卷又令刊定至開元二年七月二十二日

畢上之

昭文館學士柳冲左庶子劉子玄舊紀七月丙午上

徐堅碑云及柳

沖等同修姓氏系錄

鄭樵氏族畧曰姓氏之學最盛

於唐而國姓無定論林寶作元和姓纂而自姓不知所

由來自隋唐而上官有簿狀家有譜系官之選舉必由
簿狀家之婚姻必由譜系歷代並有圖譜局置郎令史
掌之仍用博通古今之儒知撰譜事凡百官族姓之有
家狀者上之官為考定詳實藏於秘閣副在左戶

唐編古命氏

書目永隆二年李利涉撰三卷凡二百五十六姓著胄
系之始其末又載諸氏族譜一卷云梁天監七年中丞
王僧孺所撰俾士流案此譜乃通昏姻貞觀六年又命

高士廉等定氏族明加禁約云

崇文
目同

唐官姓氏記

志李利涉唐官姓氏記五卷初十卷後亡其半又編古

命氏三卷

唐劉氏譜

會要長安四年鳳閣舍人劉知幾撰劉氏譜推漢氏為
陸終苗裔非堯之後彭城叢亭里諸劉出自宣帝曾孫
司徒居巢侯劉愷之後不承楚元王交皆援據明白前

代所誤雖為流俗所譏學者服其該博志劉氏譜考
三卷家史十五卷並劉子玄

隋河間劉善經亦著諸劉譜

三十卷左傳其處者為劉氏正義曰漢初左氏不顯明帝時賈逵上疏曰五經皆無證圖識明劉氏為堯後者左氏獨有明文前世借此以求道通故後引之為證宋朝河南劉氏由政會至燧十一世而世牒具存

唐衣冠譜著姓略記

路敬淳傳武后時數受詔纂輯慶卹儀典武后稱之尤
明姓系自魏晉以降推本其來皆有條序著姓略衣冠
系譜等百餘篇云唐初姓譜學惟敬淳名家其後柳冲
韋述蕭穎士孔至各有撰次然皆本之路氏 志路敬
淳衣冠譜六十卷又著姓略記二十卷

唐開元譜

韋述傳述好譜學見柳冲所撰姓族系錄二百卷 每私寫
懷之還舍則又繕錄故於百氏源派為詳乃更撰開元

譜二十篇述典掌圖書餘四十
年任史官二十年志韋述開元譜二十

卷

唐姓源韻譜

晁氏志張九齡撰五卷依春秋正典柳氏萬姓錄世本圖據摭諸書纂為此譜分四聲以便尋閱

唐新定諸家譜錄

志一卷李林甫等書目天下郡望姓氏族譜一卷李林甫等撰崇文記郡望出處凡三百九十八姓天寶中目同

頒下非譜裔相承者不許昏姻

唐百家類例

孔至傳歷著作郎明氏族學與韋述蕭穎士柳沖齊名
撰百家類例以張說等為近世新族削去之說子垍方
有寵怒曰天下族姓何豫若事而妄紛紛耶垍弟素善
至以實告初書成示韋述述謂可傳及聞垍語懼欲更
增損述曰丈夫奮筆成一家書奈何因人搖動有死不
可改遂罷時述及穎士冲皆撰類例而至書稱工志

韋述百家類例三卷孔至姓氏雜錄一卷會要乾元

元年著作郎賈至

按賈至傳由單父尉拜起居中書舍人徙岳州司馬寶應初召復故官不

曾遷著作郎

撰百家類例十

十六

卷其序旨曰以其婚

姻成家冠冕備盡則存諸大譜所紀者唯尊官清職傳

記本元分為十卷爰列百氏其中須有剖析各以當族

注之通為百氏以隴西李氏為第一至貞元中左司郎

中柳芳論氏族序四姓則分甲乙丙丁之次列四海士

族則先山東載在唐歷 中興書目百家類例一卷工

部侍郎韋述撰又以大唐縉紳進姬周十八姓大唐相
門甲族八十六家附其後書目姓氏古今雜錄一卷
孔至載氏族冠冕婚姻之盛又以方數甲乙紀之陸
羽有江表四姓譜十卷

唐永泰新譜 皇室新譜 宗正譜牒

柳環傳初芳永泰中會要二年十月七日按宗正譜牒斷自武德
以昭穆系承撰永泰新譜二十篇其孫環開成初會要四年正月因召對文宗歎新譜詳悉詔環攜摭永泰後事綴成

之復為十篇戶部奉筆札廩料 志柳芳永泰新譜二

十篇一作皇帝室新譜柳璟續譜十卷李衡大唐皇室
新譜一卷 會要舊紀永泰二年冬十月七日己丑宗正

卿吳王祗奏修史官太常博士柳芳撰皇室永泰新譜

二十卷上之開成四年閏正月勅翰林學士柳璟修續

皇家永泰譜 中興書目皇室新譜一卷李林甫撰玄

宗御製序其譜言李氏之先出於高陽氏之子咎繇為
堯理官以官命族因為理氏其後理證得罪于紂證之

子利正避難於伊侯之墟食李而得全因改理為李氏
咎繇七代孫曰乾字先果天寶二年三月追尊為先天
太皇帝乾生耳字伯陽乾封元年二月追尊為混元皇
帝天寶三年三月又加大聖祖自此載唐二十帝

後周武帝敕鮑宏修皇室譜分為帝緒疏屬賜姓三篇
北史元暉業撰魏藩王家世號曰辨宗錄四十卷唐志

志雜史有韓祐續古今人表十卷開元十七年上授太常寺太祝 梁江子一續班固九品

唐元和姓纂

志林寶元和姓纂十卷 林寶自序壬辰之歲詔加邊將之封朔方之別帥閻某者有司建之邑於太原列郡焉閻子上言治爵九士族之而封乖本郡恐非舊典翌日上謂相國趙公曰宜召通儒碩士辨卿大夫之族姓者綜修姓纂每加爵邑則令閱視庶無遺謬凡二十旬纂

成十卷自皇族之外各依四聲類集每韻之內則以大姓為首元和七年壬辰十月知制誥王涯為後序 鄧名世曰姓纂稍能是正數十條而齊秦之屬亦所未暇至鉏丘茅夷指為複姓又不勝其謬矣 會要元和七年王涯撰姓纂十卷上之 志又有陳湘姓林五卷王元感姓氏實論十卷崔日用姓苑畧一卷

唐孔子系葉傳

志黃恭之二卷

崇文目三卷

中興書目闕里譜系一作世系一

卷元豐中孔子四十六代孫宗翰刻而傳之紹興五年

洪興祖正其缺誤又作先聖年表列之卷首成鐸重定

文宣王家譜一卷 南史劉縚著先聖本記十卷 家

語有本姓解第三十九春秋正義引
家語本姓篇

唐諸臣門族

宰相世系表唐傳世多諸臣亦各修其家法以門族相
高材子賢孫不墮世德或父子相繼居相位或累數世
而屢顯終唐世不絕盛矣 唐相二百六十九人凡九

十八族始於裴氏 宰相二十三人

崔氏

十七人

裴氏

趙郡李氏六房
張氏十三人

王氏三房

十四人

韋氏九房

十二人

劉氏七房

十人

楊氏杜氏
李氏九人

四房蕭氏

九人

鄭氏二房

八人

盧氏南祖

北祖

六人

竇氏陸氏
二房魏氏
五人蘇氏

武氏四人

韓氏高氏

三人

薛氏南祖

于氏柳

岑徐
馬陳
袁氏房
二人戴
周姜

孫令狐

許牛

樂齊

宗

賈氏蕭氏八葉
表云齊梁房九人

張氏三世

唐相譜

書目一卷不知作者紀武德元年裴寂為相訖李忠臣

大厯十四年拜平章事末云今上大厯十四年五月即位十五年正月一日改元建中所記宰相六人至開播而止蓋德宗時所譜也崇文目宰相甲族一卷藝文志同韋述蕭穎士撰記相門甲族王方慶李義琰崔元暉以下凡十四家

唐百氏譜

書目五卷國子助教裴揚休撰凡三百五十八姓漢姓三百七蕃姓一百二十五姓源韻譜五卷唐曹大宗采

諸書述姓氏郡望以四聲類之又一本云張九齡撰所
存止三卷 崇文目唐氏譜畧一卷

唐書總紀帝系

國史志三卷帝系圖一卷

聖朝臣僚家譜

國史志一卷 太宗時韓溥好談唐朝氏族近世

之肉譜

景祐姓解 熙寧姓纂

景祐二年邵思撰姓解三卷凡一百七十門二千五百六十八氏以偏旁類次自序云歷代功臣名士布在方冊者次第而書所以恢張世胄其餘疎族異望削之熙寧姓纂六卷熙寧中錢明逸撰用聲韻類次以國姓為首羣史姓纂韻譜六卷建炎中黃邦俊纂錄史傳姓氏先儒欲收世族復小宗立譜法呂大臨有宗子議祖謙有宗法

紹興姓氏書辨證 春秋譜 百族譜

四年三月乙亥撫州鄧名世以所著春秋四譜六卷辨

論譜說十篇古今姓氏書辨證四十卷來上吏部尚書

胡松年看詳學有淵源辭亦簡古考訂明切多所據據

詔引見殿上二十一日九月六日賜進士出身充史館校勘

會要一十四卷書目十二卷序曰春秋時善論姓氏者魯有衆仲

晉有胥臣鄭有行人子羽皆能探討本源自炎黃而下

如指諸掌 專取左氏國語為主參以五經子史之文

自風俗通以來

如姓苑百
家譜姓纂

凡有所長盡用其說穿鑿訛

謬必辨駁之始於國姓餘分四聲終於漢姓蕃姓補遺

凡四十卷

續書目
卷同

復以熙寧姓纂皇朝百官公卿家譜

參訂書始於政宣而成於紹興之中年名世子椿年裒

集次序之其書始備

紹興中丁維臯撰百族譜三卷

自皇朝司馬氏以下百官族姓皆推源流疏派別志名
字爵位錄世家傳及行狀神道碑之類周必大為序

宋朝氏族志

鄭樵為氏族志五十七卷又有氏族源氏族韻等書幾七十卷 通志有氏族畧論得姓受氏有三十二類此

外則有四聲又有複姓四聲以氏族不得其所系之本
祿以報功故其世可延位以尊賢故其官當擇 陳田
互出號郭俱開東晉改疏傳之宗輔果易晉卿之號

千秋去田宗隨會別劉氏 漢賜稅侯尚采祭天之義

魏親程昱用疇捧日之心賜姓名 潘岳述家風陸機陳

世德



文淵閣圖書館

上海

四五

玉海卷五十